



Aningaasaqarnermut Naligiissitaanermullu  
Naalakkersuisoq

Ulloq: 05-05-2022  
J.nr.: 01.31.06/22-00978

## **Aningaasaqarnermut Akileraartarnermullu ataasingornermi ulloq 2. maj 2022-imi aalajangiineranik Naalakkersuisunut ilisimatitsineq**

### **Nuummi Tarnikkut Nappaatinut Katsorsaavimmut missingersuutitut sunniuteqanngitsumik nuussinissaq. Ataatsimiititaliap suliaa nr. 01.31.06/22-00978.**

”Naalakkersuisut inassutigaaat,

- kontomi pingaarnermi 86.60.01 Peqqinnissaqarfik, suliassamut nr. 996.47.053 Aserfallatsaaliuinermi kinguaattoorutit, aningaasaliissutit 2022-mi 1,1 mio. koruuninik ikilisinneqassasut, aamma
- kontomi pingaarnermi 86.60.01 Peqqinnissaqarfik, suliassamut nr. 060.46.021 Nuummi Tarnikkut Nappaatinut Katsorsaavik, 2022-mi 1,1 mio. koruuninik amerlisinneqassasut.”

### **Aningaasaqarnermut Ataatsimiititaliap oqaaseqaatai apeqqutaalu**


Aningaasaqarnermut Ataatsimiititaliaq kingullermik aalajangiinermini Naalakkersuisunut arlalinnik apeqquteqarpoq. Taakku allakkatigut Naalakkersuisunit akissuteqarfigineqarput, soorluttaaq Ineqarnermut Attaveqarnermullu Naalakkersuisumik aammalu Peqqissutsimut Naalakkersuisumik ilisimatitsiffiusumik ulloq 29. april ataatsimeeqateqarnermi ataatsimiititaliaq peqataasoq. Akissutit Aningaasaqarnermut Ataatsimiititaliamit qujassutigineqarlutillu tusaatissatut tiguneqarput.

Nuummi tarnikkut nappaatinut katsorsaavissap nutaap pilersaarusionerqarnerata 2015-imi ingerlanneqarnera attanneqarsinnaanngimmat ataatsimiititaliamit erseqqissaatigineqassaaq. Pilersaarusionerup piaartumik naammassineqarnissaa sanaartorerullu nunatsinni innuttaasunut iluaqutissanngorluni aallartissinnaanissaa ataatsimiititaliamit kissaatigineqarpoq.

### **Aningaasaqarnermut Ataatsimiititaliap aalajangiinera**

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput**.

Ataatsimiititaliaq sinnerlugu



Hans-Peter Poulsen

Aningaasaqarnermut Akileraartarnermullu Ataatsimiititaliap siulittaasua